



Bilten Saveza općina i gradova Federacije Bosne i Hercegovine



Godina: XVIII

Datum: 8.10.2021. godine

Broj: 277

ODRŽANA IZBORNA SKUPŠTINA SAVEZA OPĆINA I GRADOVA FBiH



Izborna Skupština Saveza općina i gradova Federacije Bosne i Hercegovine (SOGBiH) održana je 29.09.2021. godine u Neumu.

Članovima Skupštine Saveza općina i gradova FBiH (načelnicima i gradonačelnicima) se u uvodnom obraćanju obratio predsjedavajući Skupštine Saveza gospodin Faris Hasanbegović, predsjednik Predsjedništva gospodin Ivan Vukadin, zamjenik predsjednika Predsjedništva gospodin Hamdo Ejubović, gospođa Vesna Travljanin, direktorica Saveza općina i gradova Federacije BiH, gospodin Mario Vignjević, predstavnik Ambasade Kraljevine Švedske u Bosni i Hercegovini, koji je naglasio važnost i značaj Saveza općina i gradova FBiH, kao i podršku Ambasade Kraljevine Švedske u BiH u jačanju rada Saveza kao predstavnika jedinica lokalne samouprave u FBiH.

U tematskom dijelu Skupštine, uvodničar gospodin Enver Išerić, direktor Zavoda za javnu upravu pri Federalnom ministarstvu pravde sa prisutnima je diskutovao primjenu Zakona o principima lokalne samouprave u FBiH i značaju za jedinice lokalne samouprave. Zaključeno je da ministarstvo u saradnji sa Savezom radi na usaglašavanju zajedničkih stavova po pitanju mogućih izmjena Zakona.

Na Skupštini su jednoglasno usvojeni izvještaji o radu Saveza općina i gradova FBiH i izvještaj direktora Saveza općina i gradova FBiH.

Tokom radnog dijela Izborne skupštine, izabrani su predstavnici tijela i organa Saveza općina i gradova FBiH, tako je gospodin Suad Huskić izabran za predsjedavajućeg Skupštine Saveza, gospodin Smiljan Vidić za zamjenika predsjedavajućeg Skupštine, gospodin Hamdo Ejubović za predsjednika Predsjedništva Saveza, a gospodin Mladen Mišurić Ramljak za zamjenika predsjednika, a čije funkcije će se rotirati nakon dvije godine.

Novo rukovodstvo Saveza u svojim obraćanjima prisutnima naglasili su potrebu za jedinstvenim stavovima članica u zastupanju interesa jedinica lokalne samouprave pred višim nivoima vlasti.

Aktivnosti i unapređenje rada Saveza općina i gradova Federacije Bosne i Hercegovine podržavaju Ambasada Kraljevine Švedske i Ambasada Švicarske u BiH.

USLUGE SAVEZA:

• PRAVNO SAVJETOVALIŠTE:

Selma Fišek, viši saradnik za pravna pitanja
selma@sogfbih.ba

• FINANSIJSKO SAVJETOVALIŠTE:

Halko Basarić, viši saradnik za finansijska pitanja
halko@sogfbih.ba

KORISNI LINKOVI ZA FONDVE EU:

www.southeast-europe.net
www.adriaticinnovationmap.eu
www.adrioninterreg.eu
www.europa.ba
www.cbibplus.eu
www.cbc.bih-mne.org
www.srb-bih.org
www.interreg-hr-ba-me2014-2020.eu
www.programmed.eu
<https://tacso.eu/>
<https://evinfo.ba/en/>
www.balkanfund.org
<https://eacea.ec.europa.eu>
www.welcomeurope.com

ADRESA:

Musala br.5/1
71000 Sarajevo
Telefon: +387 33 216 502,
209 024, 209 120
fax: +387 33 552 810, 216 502
savez@sogfbih.ba

SAVEZ OPĆINA I GRADOVA FBiH DOBIO NOVO RUKOVODSTVO I ČLANOVE RADNIH TIJELA

Na Izornoj Skupštini Saveza općina i gradova Federacije Bosne i Hercegovine, koja je održana 29.09.2021. godine u Neumu izabrano je novo rukovodstvo Saveza - predsjedavajući i zamjenik predsjedavajućeg Skupštine Saveza, predsjednik i zamjenik predsjednika Predsjedništva Skupštine Saveza, članovi Nadzornog odbora i članovi skupštinskih komisija Saveza.

U nastavku donosimo novi sastav organa i tijela Saveza čiji mandat traje :

Predsjedavajući / zamjenik predsjedavajućeg Skupštine Saveza općina i gradova Federacije Bosne i Hercegovine
Suad Huskić, načelnik Općine Tešanj - predsjedavajući Skupštine
Smiljan Vidić, gradonačelnik Grada Čapljine - zamjenik predsjedavajućeg Skupštine



Sa sjednice Skupštine Saveza, Neum, 29.09.2021.

Predsjednik / zamjenik predsjednika Predsjedništva Skupštine Saveza općina i gradova Federacije Bosne i Hercegovine
Hamdo Ejubović, načelnik Općine Hadžići - predsjednik Predsjedništva
Mladen Mišurić-Ramljak, načelnik Općine Kiseljak - zamjenik predsjednika Predsjedništva

Predsjedništvo Skupštine Saveza je izvršni organ Skupštine, koji usklađuje rad svih organa i radnih tijela Saveza. Članovi Predsjedništva biraju se na Skupštini na period od četiri godine i čine ga općinski načelnici, odnosno gradonačelnici. Predsjedništvo se sastoji od 13 članova - predsjednik, zamjenik predsjednika i jedanaest članova koji se biraju na slijedeći način:

- općine/gradovi sa područja svog kantona između sebe biraju po jednog predstavnika,
- Grad Sarajevo ima jednog predstavnika.

Izabrani član Predsjedništva sa područja kantona dužan je da predstavi usaglašene stavove načelnika općina i gradova koje predstavlja. Predsjednik i zamjenik predsjednika se rotiraju svake dvije godine i ne mogu biti iz reda istog konstitutivnog naroda. Nadležnosti Predsjedništva regulisane su u članu 27. Statuta Saveza. Od svih organa Saveza, Predsjedništvo se sastaje najčešće i odlučuje o svim važnim pitanjima za rad Saveza, izjašnjava se o pristiglim inicijativama, daje saglasnost za određene aktivnosti, donosi odluke i zaključke, usvaja dokumente, inicira aktivnosti i općenito strateški usmjerava rad Saveza.



Sa sjednice Predsjedništva Saveza, Neum, 28.09.2021.

Predsjedništvo Skupštine Saveza općina i gradova Federacije Bosne i Hercegovine		
Kanton/županija	Općina/grad	Ime i prezime
Kanton Sarajevo	Novi Grad Sarajevo	Semir Efendić
Zeničko-dobojski kanton	Visoko	Mirza Ganić
Zapadnohercegovački kanton /županija	Ljubuški	Vedran Markotić
Posavski kanton	Domaljevac - Šamac	Stjepan Piljić
Bosansko-podrinjski kanton Goražde	Goražde	Ernest Imamović
Unsko-sanski kanton	Bosanska Krupa	Armin Halitović
Hercegovačko-neretvanski kanton/županija	Neum	Dragan Jurković
Tuzlanski kanton	Banovići	Bego Gutić
Srednjobosanski kanton	Travnik	Kenan Dautović
Hercegbosanska županija/Kanton 10	Livno	Darko Čondrić
Grad Sarajevo	Grad Sarajevo	Benjamina Karić

Nadzorni odbor Saveza općina i gradova FBiH
Sead Džafić, načelnik Općine Kalesija
Ante Begić, načelnik Općine Posušje
Marin Radišić, načelnik Općine Čitluk

Komisije Saveza

Komisije su stalna radna tijela Saveza koje obrazuje Skupština Saveza za razmatranje pitanja iz oblasti od značaja za lokalnu samoupravu.

Komisije Skupštine Saveza su:

- Komisija za razvoj i unapređenje lokalne samouprave;
- Komisija za ustavna i zakonodavna pitanja;
- Komisija za međunarodne veze, saradnju i evropske integracije;
- Komisija za imovinska pitanja, prostorno uređenje, stambeno-komunalne djelatnosti i zaštitu životnog okoliša;
- Komisija za ekonomski razvoj općina i gradova i finansije;
- Komisija za izbor i imenovanja.

Svaka komisija ima predsjednika, zamjenika predsjednika i osam članova. Mandat predsjednika i članova komisija traje četiri godine. Članovi komisija se biraju po principu da općine iz svakog kantona između sebe izaberu po jednog predstavnika u svaku komisiju.

U radu komisija, na poziv predsjednika komisije, mogu sudjelovati i drugi predstavnici jedinica lokalne samouprave, organa i organizacija, naučni i stručni radnici.

Skupštinske komisije se sastaju povremeno, zavisno od broja otvorenih pitanja koja se raspravljaju na pojedinim komisijama.

1. Komisija za razvoj i unapređenje lokalne samouprave razmatra aktuelna pitanja koja se odnose na razvoj lokalnih demokratija u općini i gradu, unapređuje i razvija demokratske procese, te radi na jačanju i osposobljavanju lokalnih vlasti za odgovorno upravljanje i vođenje javnih poslova od interesa za lokalno stanovništvo, realizuje utvrđene političke i demokratske zahtjeve Vijeće Evrope za decentralizaciju vlasti sve do lokalnog nivoa, razmatra i razvija upravnu strukturu lokalnih zajednica u okviru povjerenih izvornih nadležnosti, podstiče inicijative za konstituiranje izvornih prihoda za nadležnosti za koje nije osigurano finansiranje od strane federalnih i kantonalnih vlasti, unapređuje aktivnosti na uspostavljanju decentralizacije fiskalne politike, razvija institute pravne zaštite lokalnih vlasti i prava na poštivanje lokalne samouprave, prati realizaciju zaključaka i zahtjeva Kongresa CLRAE Vijeća Evrope.

Komisija za razvoj i unapređenje lokalne samouprave		
Kanton/županija	Općina/grad	Ime i prezime
Kanton Sarajevo	Stari Grad Sarajevo	Selma Velić
Zeničko-dobojski kanton	Breza	Vedad Jusić
Zapadnohercegovački kanton /županija	Posušje	Dragica Lebo
Posavski kanton	Domaljevac-Šamac	Miroslav Lucić
Bosansko-podrinjski kanton Goražde	Pale FBiH	Almin Čutuk
Unsko-sanski kanton	Bosanski Petrovac	Mahmut Jukić
Tuzlanski kanton	Gračanica	Denana Tukulj
Srednjobosanski kanton	Kiseljak	Dragomir Lučić
Hercegovačko-neretvanski kanton/županija	Konjic	Nedžad Ramić
Hercegbosanska županija/Kanton 10	Livno	Anđelka Knežević

2. Komisija za ustavna i zakonodavna pitanja razmatra i priprema odgovarajuće inicijative za ustavnu i zakonodavnu dogradnju sistema lokalne samouprave, priprema prijedloge za ustavne amandmane kojim se utvrđuju kompetencije lokalnih vlasti, i za uspostavljanje gradova kao posebnih urbanih, upravnih i duhovnih centara, stara se za ostvarivanje prava na zaštitu sistema lokalnih vlasti i poštivanje lokalne samouprave, učestvuje u kreiranju fiskalne politike i reforme poreznog sistema, te na ostvarivanju položaja i učešća Saveza općina i gradova FBiH u kreiranju unutarnje politike i u pripremama zakona koji se tiču lokalnih vlasti.

Komisija za ustavna i zakonodavna pitanja		
Kanton/županija	Općina/grad	Ime i prezime
Kanton Sarajevo	Novo Sarajevo	Elvira Imširović Bolić
Zeničko-dobojski kanton	Zavidovići	Hašim Mujanović
Zapadnohercegovački kanton /županija	Ljubuški	Stanka Rašić
Posavski kanton	Odžak	Ivana Kljajić
Bosansko-podrinjski kanton Goražde	Goražde	Elida Čulov
Unsko-sanski kanton	Cazin	Admir Pjanić
Tuzlanski kanton	Tuzla	Mediha Nuhbegović
Srednjobosanski kanton	Fojnica	Azem Huseinbašić
Hercegovačko-neretvanski kanton/županija	Mostar	Predrag Šupljeglav
Hercegbosanska županija/Kanton 10	Bosansko Grahovo	Miroslav Bilčar

3. Komisija za međunarodne veze, saradnju i evropske integracije razmatra pitanja iz domena međunarodne saradnje općina i gradova - uspostavljanje i jačanje saradnje sa asocijacijama lokalnih vlasti susjednih zemalja, podstiče projekt saradnje i partnerstva između općina i gradova u Federaciji BiH sa gradovima iz Evrope, ostvaruje saradnju sa ambasadama lokalnih demokratija uspostavljenih na području Bosne i Hercegovine, unapređuje i razvija saradnju sa organizacijama lokalnih zajednica, podstiče ekonomski i kulturni razvoj i interes Federacije BiH kroz sudjelovanje u programu i projektu regionalnog Saveza Mreže za jugoistočnu Evropu, te razvija saradnju sa asocijacijom lokalnih vlasti Republike Srpske u zajedničkom nastupu u okviru Koordinacionog tijela Saveza općina i gradova Bosne i Hercegovine.

Komisija za međunarodne veze, saradnju i evropske integracije		
Kanton/županija	Općina/grad	Ime i prezime
Kanton Sarajevo	Centar Sarajevo	Haris Sijarić
Zeničko-dobojski kanton	Žepče	Branka Janko
Zapadnohercegovački kanton /županija	Grude	Srećko Mikulić
Posavski kanton	Orašje	Marijan Oršolić
Bosansko-podrinjski kanton Goražde	Goražde	Armin Čavrk
Unsko-sanski kanton	Cazin	Suad Rošić
Tuzlanski kanton	Srebrenik	Zijad Nurikić
Srednjobosanski kanton	Travnik	Faris Hafizadić
Hercegovačko-neretvanski kanton/županija	Čapljina	Smiljan Vidić
Hercegbosanska županija/Kanton 10	Drvar	Zdravka Jović

4. Komisija za imovinska pitanja, prostorno uređenje, stambeno-komunalne djelatnosti i zaštitu životnog okoliša razmatra

aktuelna pitanja iz nadležnosti lokalnih zajednica u domenu urbanizma, prostornog uređenja, komunalne infrastrukture i stambene politike, priprema i predlaže odgovarajuća rješenja za funkcioniranje komunalne infrastrukture, jačanje sposobnosti lokalnih vlasti za investicijsku rekonstrukciju i izgradnju komunalne infrastrukture, priprema odgovarajuća rješenja za zakonske projekte u oblasti prostornog uređenja i urbanističke politike u cilju jačanja sposobnosti općinskih vlasti da samostalno regulišu i upravljaju javnim poslovima koji su od interesa za lokalno stanovništvo, prati i izučava oblast stambene problematike, te osigurava primjenu jedinstvene politike u procesu projekta privatizacije, a posebno u domenu

Komisija za imovinska pitanja, prostorno uređenje, stambeno-komunalne djelatnosti i zaštitu životnog okoliša		
Kanton/županija	Općina/grad	Ime i prezime
Kanton Sarajevo	Ilijaš	Meliha Avdibegović
Zeničko-dobojski kanton	Kakanj	Mirnes Bajtarević
Zapadnohercegovački kanton /županija	Grude	Anđelka Zucić
Posavski kanton	Odžak	Jasminka Kovačević
Bosansko-podrinjski kanton Goražde	Foča u FBiH	Melisa Džomba
Unsko-sanski kanton	Cazin	Sadmir Škrgić
Tuzlanski kanton	Sapna	Fehrudin Selimović
Srednjobosanski kanton	Dobretići	Ivo Čakarić
Hercegovačko-neretvanski kanton/županija	Jablanica	Alma Pinjić
Hercegbosanska županija/Kanton 10	Kupres	Branka Ivić

legislative o prodaji stanova na kojima postoji stanarsko pravo.

5. Komisija za ekonomski razvoj općina i gradova i finansije prati i razvija neophodnu kulturu poduzetništva na lokalnom nivou,

izgradnju kapaciteta u poslovnom upravljanju i ekonomskom razvoju, razmatra promjene režima oporezivanja i uvođenje stimulatnog poreznog sistema, podstiče zapošljavanje u okviru privatnog sektora, s ciljem unapređenja privatnog poduzetništva kao sposobnog i aktivnog učesnika u finansijskim i ekonomskim tokovima u zemlji, unapređuje razvoj i uvezivanje malih preduzeća, posebno radi na koncepciji novog poreznog sistema i zakonskih olakšica i drugih uvjeta (poslovni prostor, potrošačka politika, snabdijevanje i turizam), razvija aktivnosti u poboljšavanju i implementaciji politike jednakih mogućnosti za sve, prati i razmatra propise iz domena poduzetništva i ekonomije.

Komisija za ekonomski razvoj općina i gradova i finansije/financije		
Kanton/županija	Općina/grad	Ime i prezime
Kanton Sarajevo	Ilidža	Benjamin Mešak
Zeničko-dobojski kanton	Doboj Jug	Mirnes Tukić
Zapadnohercegovački kanton /županija	Široki Brijeg	Andrija Kraljević
Posavski kanton	Odžak	Ivan Tolić
Bosansko-podrinjski kanton Goražde	Foča u FBiH	Mujo Sofradžija
Unsko-sanski kanton	Sanski Most	Ermina Hrnčić
Tuzlanski kanton	Srebrenik	Jasmin Hogić
Srednjobosanski kanton	Travnik	Murisa Kozar
Hercegovačko-neretvanski kanton/županija	Neum	Mihaela Koncul
Hercegbosanska županija/Kanton 10	Tomislavgrad	Božana Jurčević

6. Komisija za izbor i imenovanja na osnovu prikupljenih prijedloga od strane članica Saveza, utvrđuje prijedlog odluka o imenovanju odnosno razrješenju članova stalnih radnih tijela, Nadzornog odbora te povremenih radnih tijela.

Komisija za izbor i imenovanja		
Kanton/županija	Općina/grad	Ime i prezime
Kanton Sarajevo	Vogošća	Edin Smajić
Zeničko-dobojski kanton	Zenica	
Zapadnohercegovački kanton /županija	Posušje	Ivanka Arapović Galić
Posavski kanton	Orašje	Gabrijela Martinović Dominković
Bosansko-podrinjski kanton Goražde	Goražde	Mirsada Sirčić
Unsko-sanski kanton	Cazin	Sandi Salkić
Tuzlanski kanton	Kalesija	Sead Džafić
Srednjobosanski kanton	Vitez	Boris Marjanović
Hercegovačko-neretvanski kanton/županija	Stolac	Stjepan Bošković
Hercegbosanska županija/Kanton 10	Glamoč	



IZAŠAO PRVI BILTEN "SMART CITY FORUM"

Projekat „Pametni gradovi – ka digitalnoj transformaciji gradova u BiH“ je podržao izradu prvog biltena "Smart City Forum" sa ciljem sveobuhvatnije promocije novih pametnih rješenja na lokalnom nivou.

Ovaj projekat implementira Deutsche Gesellschaft für Internationale Zusammenarbeit (GIZ) GmbH u ime Saveznog ministarstva za ekonomsku suradnju/saradnju i razvoj SR Njemačke (BMZ), u saradnji sa udruženjem Bit Alijansa.

Savez opština i gradova Republike Srpske i Savez općina i gradova Federacije Bosne i Hercegovine podržavaju distribuciju biltena kao i projektne aktivnosti ka unapređenju digitalne transformacije.


Bilten možete pogledati na sljedećem linku: <https://bit.ly/2VoNbWQ>



OBJAVLJENA NOVA KNJIGA „PRINCIPI PROJEKTOG MENADŽMENTA“ ČIJI JE JEDAN OD AUTORA DOC. DR. ĐEVAD ŠAŠIĆ

Iznalaženje rješenja, pozicije obavljanja svakog posla, leži u centru interesa projektnog menadženta kao znanstvene discipline. Pored poslovnog svijeta i znanstvenika ekonomske struke, „Principi projektnog menadženta“ može biti dobro oružje za menadžment različitih nivoa javnog menadžmenta, odnosno državne administracije.

Posebna vrijednost koju treba istaknuti vezano za knjigu ogleda se u činjenici praktičnog značaja. Predmet knjige daje cjelovit uvid u oblikovanje različitih projekata, pa je toplo preporučujemo kako državnim službenicima, tako i u edukativne svrhe.



U OKVIRU SORI II PROJEKTA SPROVEDENO SOCIJALNO MAPIRANJE U OPĆINI JAJCE I IZRAĐEN IZVJEŠTAJ O REZULTATIMA



U martu 2021. godine počele su aktivnosti socijalnog mapiranja o odabranoj pilot općini – općini Jajce, s ciljem integriranja podataka o izrazito ugroženim skupinama stanovništva u procesu planiranja i donošenja odluka u polju socijalne zaštite na lokalnom nivou. Savez općina i gradova FBiH provodi navedene aktivnosti u sklopu SoRi II projekta, uz podršku NALAS-a (Mreže asocijacija lokalnih vlasti jugoistočne Evrope) i GIZ-a (Njemačkog društva za međunarodnu saradnju).

Proces socijalnog mapiranja proveden je u periodu od maja do juna 2021. godine od strane Udruženja/Udruge socijalnih radnika SBK/KSB u saradnji sa Općinom Jajce i JU Centrom za socijalni rad Jajce. Odabrana ciljna skupina socijalnog mapiranja je romska populacija s

područja općine Jajce.

Općina Jajce dobit će tehničku podršku za integraciju ključnih zaključaka koji proizilaze iz socijalnog mapiranja u strateške/planske dokumente u području socijalne zaštite. Izvještaj o rezultatima socijalnog mapiranja finaliziran je u septembru 2021. godine.

Primarni cilj provedenog socijalnog mapiranja jeste da doprinese unapređenju položaja romske populacije te poboljšanju kvaliteta i uslova života, kao i da podstakne bolju integraciju romske populacije u lokalnu zajednicu za očuvanje kulture i tradicije Roma. Jedan od glavnih ciljeva je i izrada Akcionog plana za unapređenje položaja Roma na području općine Jajce za period 2021-2023. godine. Izrada Akcionog plana kao produkta socijalnog mapiranja može poslužiti za bolje planiranje općinskog budžeta i pribavljanje dodatnih sredstava za potrebe realizacije inkluzivnih programa i planova, te za bolju pripremljenost Općine za apliciranje na projekte domaćih i stranih organizacija. Izvještaj je izrađen u skladu sa Strategijama i Akcionim planovima za pitanje Roma u BiH.



POZIV ZA PRIJAVU ZAINTERESOVANIH JLS ZA DONACIJU TEHNIČKE I ZAŠTITNE OPREME DNEVNOM CENTRU ZA SOCIJALNO UGROŽENU DJECU I JAČANJE KAPACITETA, U OKVIRU SORI II PROJEKTA

Počeo je drugi krug aktivnosti "Brze mjere socio-ekonomskog oporavka općina za ugrožene skupine u vrijeme krize COVID-19" u sklopu kojih se općine i gradovi mogu prijaviti za donaciju tehničke i zaštitne opreme dnevnim centrima ili udruženjima za socijalno ugroženu djecu.

Savez općina i gradova FBiH podržat će dva dnevna centra ili udruženja za socijalno ugroženu djecu čije općine/gradovi budu ispunjavali uslove navedene u Javnom pozivu objavljenom 06. oktobra 2021. godine na web stranici: <https://sogfbih.ba/vijest/poziv-za-prijavu-zainteresovanih-jls-za-donaciju-tehnicke-i-zastitne-opreme-dnevnom-centru>

Rok za dostavljanje prijava je 18. oktobar 2021. godine.

Za sve dodatne informacije, molimo Vas da nas kontaktirate putem maila savez@sogfbih.ba ili telefona 033 216 502.



MREŽE ZA UČENJE

U septembru 2021. godine počelo je formiranje mreža za učenje (eng. learning clusters) koje okupljaju stručnjake iz vladinog i nevladinog sektora s prostora Zapadnog Balkana, u okviru SoRi II projekta. Mreže za učenje su regionalni metod za razmjenu znanja i iskustava. Mreže za učenje bave se sljedećim socijalnim pristupima: Dnevni centri, Podizanje svijesti, Forum za socijalni dijalog, Povjerenik za manjine, Inkluzivno upravljanje rizicima od katastrofa, Mobilni terenski timovi. Za posljednja dvije mreže za učenje prijave su još u toku. Detaljne informacije o načinu prijave možete pronaći na sljedećem linku: <https://bit.ly/3FpK2lq>

ODRŽANA IX KONFERENCIJA „DIGITALIZACIJA USLUGA NA LOKALNOM NIVOU“ U OKVIRU SISTEMA OBUKE ZA JEDINICE LOKALNE SAMOUPRAVE



U ponedjeljak, 04.10.2021. godine u Neumu, u okviru Sistema obuke za jedinice lokalne u Federaciji Bosne i Hercegovine, održana je IX. godišnja konferencija „Digitalizacija usluga na lokalnom nivou“ u organizaciji Agencije za državnu službu Federacije Bosne i Hercegovine.

Na konferenciji je učešće uzelo 58 učesnika, uz prisustvo gradonačelnika i načelnika, predstavnika vladinih i nevladinih institucija i međunarodnih organizacija.

Konferencija je organizovana u svrhu razmjene informacija i predstavljanje najboljih praksi. U uvodnom obraćanju prisutnima su se obratili direktor Agencije za državnu službu FBiH, gđin Refik Begić, gđin Amir Kupusija ispred Savez općina i gradova Federacije BiH te domaćin konferencije načelnik Općine Neum gđin Dragan Jurković.

U prvoj sesiji „Prvi napor u digitalizaciji javnih usluga: razlozi, uspjesi i neuspjesi“ dat je strateški i regulatorni okvir razvoja e-uprave u BiH. U ovom panelu učešće su uzeli gđa Aida Soko iz Ureda premijera Federacije BiH, gđa Ivana Šarić, iz Generalnog sekretarijata Vijeća ministara BiH i gđin Dejan Buha iz UNDP-a BiH.

U drugoj sesiji „Uspješni projekti digitalizacije javnih usluga“ učesnicima su predstavljani uspješni projekti digitalizacije javnih usluga iz Republike Hrvatske (Grad Rijeka) i Ministarstva za državnu upravu i lokalnu samoupravu Republike Srbije (Srbijansko-korejski informatički Centar).

Primjere najbolje prakse u digitalizaciji javnih usluga predstavili su i lideri lokalnih zajednica u Bosni i Hercegovini: gđin Mirnes Bajtarević, načelnik Općine Kakanj, gđin Edin Delić, načelnik Općine Lukavac i pomoćnik općinskog načelnika Općine Centar, gđin Haris Sijarić.

U trećoj sesiji, dobitnici SDG nagrada za 2021. godinu, dr. Hasan Tanović (Općina Novo Sarajevo) i gđin Armin Halitović (Općina Bosanska Krupa) predstavili su znanja i uspješna iskustva u odgovorima na pandemiju COVID 19. Ovogodišnje priznanje je uručeno onim jedinicama lokalne samouprave koje su pružile kvalitetan odgovor na COVID-19, dizajnirajući i realizirajući mjere ekonomskog oporavka i podrške privatnom sektoru.

Gđin Mirza Ganić, gradonačelnik Grada Visoko također je istakao dostignuća u uvođenju mjera u oblasti unapređenja zdravstvenog sistema.

Načelnik Općine Jajce, gđin Edin Hozan također se kratko obratio učesnicima i dao kratak osvrt na temu ovogodišnje konferencije.

*Na konferenciji je učešće
uzelo 58 učesnika, uz
prisustvo gradonačelnika
i načelnika, predstavnika
vladinih i nevladinih
institucija i
međunarodnih
organizacija.*



NAJAVA OBILJEŽAVANJA DANA OPĆINA / GRADOVA ZA MJESEC OKTOBAR / LISTOPAD

- **01. oktobar/listopad - Dan Općine Gornji Vakuf – Uskoplje.** Ovaj datum se od 2008. godine obilježava kao Dan Općine jer je na taj dan 2001. godine održana prva sjednica Prijelaznog općinskog vijeća novouspostavljene Općine Gornji Vakuf – Uskoplje.

- **02. oktobar/listopad - Dan Grada Tuzla.** Taj dan se tradicionalno obilježava kao sjećanje kada je Tuzla postala najveći oslobođeni grad u porobljenoj Evropi 1943. godine.

- **04. oktobar/listopad - Dan Grada Čapljina** i ujedno Dan Sv.Franje – zaštitnika župe Čapljina.

- **10. oktobar/listopad - Dan Općine Sanski Most.** Navedenog datuma 1995. godine oslobođeno je područje općine Sanski Most.

- **14. oktobar/listopad - Dan Općine Žepče.** Prvi pisani trag o ovome gradu datira na ovaj dan iz 1458. godine kada je «na Žepču» kralj bosanski Stjepan Tomaš, sa sinom knezom Stjepanom, dao povelju logotetu Stjepanu Ratkoviću.

- **22. oktobar/listopad - Dan Grada Gradačac.** Tog dana u odbrani Gradačca 1992. godine zaustavljen je «Oklopni voz» na prilazu gradu.

- **23. oktobar/listopad - Dan Općine Orašje.** Tog dana 1992. godine oslobođeno je selo Vidovice u oraškoj općini.



Gledajte Savez općina i gradova
Federacije Bosne i Hercegovine na



Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način pružamo informacije o održanim sjednicama organa i tijela Saveza, konferencijama, seminarima, radionicama, okruglim stolovima, javnim raspravama, projektnim aktivnostima i sl.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba; ili putem popunjavanja forme na našoj web stranici.

Molimo vas da informacije o našem biltenu prosljedite svima u vašoj i susjednim JLS i drugim zainteresiranim.

Ukoliko želite da objavite neke od vaših novosti, iskoristite bilten Saveza koji je brz i efikasan način komuniciranja.

Sa zadovoljstvom očekujemo vaše komentare, sugestije ili primjedbe.